

妙法蓮華經玄贊

卷一

一

八諦之醫

宗之外籠七地而孤榮

矣狀揚一實而包愬太虛振

以溟翰類其深旨妙高方其峻

華經者藻宏經之趨唱旌一部之

鏡義類之鴻標顯異筌之別目法舍持

稱妙花兼秀發愬眾美而彰違體業

舉半滿之速已曉取捨之路方著經者為常者

攝是貫常則道軌百王法乃德摸千業攝

妙理貫又御彼庸生度令畢離苦津終登覺

者由也始也陳教契之因由作法興之
別也區玄旨而異類流幽筌而彙別
者揆也首也經有二十八類篠貫

首故名第一

經如是我聞 贊曰初釋經文略以六門判

之意二明經之宗旨三解經品得名四顯經品廢立三
彰品之次第六釋經之本文第一叙經起意者略由五
義一為酬因請二為破疑執三為彰記行四為利今後
五為顯時機酬因請中有二酬因二酬請初酬因有六
一酬行因二酬願因三酬求因四酬持因五酬相因六酬
說因佛果不可虛成必由業行方得行不流起必願

資生行願雖復自興無緣不能獨會雖逢緣以求重
 非率尔而果成要由持學始能得果之既圓將陳
 應物表經宗之深妙先現大相之因大相既彰理須敷
 唱故標佛本出世為一大事故也由此酬因具斯六義一
 酬行因者方便中唯論釋經八甚深云佛曾親近
 百千萬億無量諸佛盡行諸佛道法勇猛精
 進名稱普聞成就甚深熱未曾有法難解法者如來
 能知隨宜所說意趣難解一切聲聞辟支佛所不能
 知八甚深者一受持讀誦甚深二修行三果行四增長功
 德心五快妙事心六無上七八不共聲聞辟支佛
 所作住持甚深經唯有六無第六第八至下當知諸佛

道法既盡行之具行一乘種智之因方得佛果故今酬
因說斯妙法勸備因行二酬願因者方便品云舍利弗
當知我本立誓願欲令一切衆如我等無異如我昔所
願今者已滿足化一切衆生皆令入佛道壽量品云每
自作是意以何令衆生得入於佛道盡成就佛身若
昔因中若今果位每皆發願今衆生猶如我身得入
佛道故酬本願而說此經亦令衆生發此願故行願相
符致出世故酬求因者天授品云吾於過去求法華經無
有懈倦於多劫中常作國王求大菩提曾不退轉擊
鼓宣令四方求法時有仙人來白王言我有大乘名妙
法蓮花經若不違我當為宣說王聞仙言歡喜踴躍

即隨仙人供給所須乃至以身而為牀座身心無倦奉
事仙人經於千歲為求法故令無所乏尔時王者今
我身是時仙人者今提婆達多是以佛過去願行雖成
必由緣會恒重此經於善友所尊事求之故今宣說
今生求重酬持因者前八甚深中第一佛曾親近百千
万億無數諸佛名受持讀誦甚深初依菩薩供五恒
佛第二依菩薩供六恒佛第三依菩薩供七恒佛第四依
菩薩供八恒佛值多善友長時受持又釋迦如來過去
自為常不輕菩薩於威音王佛滅後行不輕行臨終
之時間虛空中說法華經廿千万億偈悉能受持即
得如上六根清淨更增壽命二百万億那由他歲廣說

此經命終之後得值二千億佛皆号日月燈明常持此
經以是因緣又值二千億佛同号雲自在燈王亦於諸
佛法中受持此經常獲如上六根清淨其常不輕即
我身是故為注時常持此經今者說之勸常受持酬
相因者既成佛已將說此經先為菩薩說無量義經
次入無量義處去贊二三三昧去熱天雨四花地六振動四衆瞻仰八部
歡喜放毫光以遠照衆見此已疑生弥勒發問文殊告
言如我惟忖今佛世尊欲說大法雨大法雨吹大法蠡
擊大法鼓演大法義我於過去曾見此瑞放斯光
已即說大法乃至廣說今日如來當說大乘經名妙法
蓮華三世諸佛將說此經必先有此種人大相不同餘

經之無此初大相故相既非常故須說此即將說此
經先現之大小相之者為說此經故也酬說因者下云諸
佛如來唯以一大事因緣故出現於世乃至廣說無聲聞
弟子但教化菩薩究竟令得一切種智故三世諸佛成
道究竟必說一乘皆是因中方便求趣修學雖滿未
曾演說今時機會不可虛然故赴宿因說斯妙法上
來義類經文甚多恐厭繁廣故略指述後酬請者如
經中說菩薩初生即行七步放大光明遍照十方四顧
觀視作師子吼而說偈言 我生胎分盡 是寂未後身
我已得解脫 當後度眾生 作是誓已身漸長大遊出
四門見老病死及沙門相既問識已欲捨親眷未無上

果中夜觀察見諸伎人后妃綵女狀如晁屍深可厭患
即命車匿令被捷陟諸天捧足夜半出城行十四由旬
到跋伽婆仙人所住林中以刀剃髮持妙寶服貧鹿皮
衣遣車匿歸報父王已於無連河側六師外道所為降
伏彼六年苦行懃苦過彼曰食麻麥馱其非道遂食
乳糜受吉祥草詣菩提樹坐金剛座以智惠力降伏魔
軍證大菩提永出三界是時三千大千世界主及餘天
等來詣佛所請轉法輪化佛讚揚勸且摧說時機未
熟且說方便未說實法今既合宜鶩子等請說乘摧
實之境文殊等請說乘安樂之行弥勒等請說身真
應之果故下經云我始坐道場觀樹亦經行於三七日

中常思惟是事乃至尋念過去佛所行方便力我今
所得道亦應說三乘作是思惟時十方佛皆現梵音
慰喻我善哉釋迦文隨諸一切佛而用方便力由是玄
便且說三乘今機宜熟鷲子等請演暢真宗顯斯一
寶故下經云汝已慙慙三請吾今豈得不說安樂行品
中文殊發請世尊廣說四安樂行壽量品中亦復如是
弥勒三請佛言汝等當信解如來誠諦之語三遍勸
信方說身之真應故為酬請說是法華破疑執中有二
一破疑二破執破疑者佛自成道唯記菩薩當得菩提
不說聲聞有得佛果聲聞等疑永不作佛故舍利
弗深自感傷失於如來無量知見乃至廣說而今從佛

聞所未聞未曾有法斷諸疑悔諸小菩薩昔聞大乘
亦疑菩薩獨得菩提聲聞无分或不定性諸小菩薩
疑佛菩提已亦无分由是三乘俱有疑網由此經云聲
聞若菩薩聞我所說法乃至於一偈皆成佛无疑又云
諸求三乘人若有疑悔者佛當為除斷令盡无有餘又
云菩薩聞是法疑網皆已除千二百羅漢悉亦當作佛
此中破疑亦兼破悔之昔備小不得作佛今聞得作
悔所以除知小乃為大之因故疑通三乘悔唯小有以
寬攝狹但說破疑不說除悔至後卷中當釋差別故為
破疑說斯妙法後破執者聲聞有二一決定種性得聲
聞果定入無餘身灰智滅故諸經云餘人善根沮藤

時盡菩薩善根不尔二退已還發大菩提心初是定性
後不定性然瑜伽及法華論說聲聞有四一決定種性
亦名趣寂二增上慢此是凡夫得第四禪謂阿羅漢
三退已還發大菩提心亦名不定種性且法華會得記
聲聞名退菩提心舍利弗等皆是此類故經自去
告舍利弗我昔教汝志願佛道汝今悉忘而便自謂
已得滅度優婆塞戒經說舍利弗脩大乘道經六十
劫因施眼故大行難成退求小果鶩子亦言世々已
曾從佛教化々城喻品說十六王子所教化衆生過去
結緣之始由是故名退菩提心非不定姓皆是退類亦
有昔日未求於大今者但從小果趣大不定性故四

者應々化々非真攝大乘說諸大菩薩及佛等化所如
聲聞利實聲聞向大乘故留樓那等即其類也法華
論六此中唯為二種聲聞授記謂退心應化其趣寂者
及增上文慢佛贊不與記根未熟故菩薩與記雖復愍言
汝行菩薩道當得作佛論云與記今發心故退菩提
心正當根熟為說一乘正破其執應化非真無執可
破示相可尔其增上慢既是異生根現未熟故佛不
與記善々薩々與々記々者即常不輕為具因記今
信有佛性後漸發心脩大行故其趣寂者元無大性何
得論其熟與不熟應言趣寂由无大性根不熟故佛不
與記菩薩與記具理性因漸令信大不思法故非根

未熟後可當熟故非菩薩與記令發趣大乘心言當作
佛菩薩願心方便化之令生信意如般若經我皆令入
無餘涅槃非皆入盡菩薩記於趣寐亦尔若許趣寐
同增上慢不但不得名為趣寐甚違諸教義不相符由
趣寐者與增上慢合一處說翻譯之主同言根未熟令
其發心正義應言趣寐者根不熟佛不與記菩薩與記
令發信解大乘心故增上慢者根未熟故佛不與記
菩薩與記令發趣向大乘心故若趣寐者後亦作佛
連涅槃等處之教文菩薩亦二者頓悟二者漸之悟之
一義一者若從得二乘果發心向大名為漸悟由
發以或全無故若從二凡而歸於大即頓悟攝未曾悟

六文生數猶多不名漸悟故涅槃經但說聖
不說異生迴心劫數二者但從曾發二心曾
百皆名漸悟具彼性故循彼行故聞
何必證悟况復亦有生數少者謂
一坐順決擇分等經據劫定但
以昔此經所說一乘之理論
一法花一會正唯為退
亦在會故若准攝
元失決定種
記故

果若往僧坊須

乘七寶輦五寶一及

坐令他聽者生

常得帝釋坐處梵王坐處若復勸人往聽法華
經者生之常与陀羅尼菩薩共生一處終不瘖瘡
乃至當來見佛聞法信受教誨法師功德品說若善
男子善女人受持是法華經若讀若誦若解說若書
寫是人當得八百眼功德千二百耳功德八百鼻功德
千二百舌功德八百身功德千二百意功德以是功德
莊嚴六根皆令清淨乃至普賢品云若有後世受持
讀誦是經典者是人不復貪著衣服卧具飲食資生
之物所願不虛亦於現世得其福報是以遺教經言

所應度者皆已度訖其未度者皆亦已作得度因緣
故由說此而與未來作大利益是名利後故說是經
顯時機中有二顯時二顯機初顯時者諸佛設教
略有二種一頓二漸頓即被彼大機頓從凡夫以求俾
果如勝鬘經所說一乘是推四乘實故漸即被
彼從小至大機如此經中所說一乘是實二乘權
故此經多被從彼二乘以求佛果多是漸教大乘所攝
古有釋言教有五時第一時者佛初成道為提謂等五
百賈人但說三歸五戒十善世間因果教即提謂等
五戒本行經是未有出世善根器故第二時者佛成
道竟三七日外十二年中唯說三乘有行之教未為

說空即阿含等小乘經是第三時者佛成道竟卅年中說彼三乘同行空教即維摩思益大品等是第四時者佛成道竟卅年中說有一乘猶未分明演說佛性常住實相尚說无常佛果以為真實即死量義法花等是以前未明一乘義故此中猶未分明演說常住佛性故第五時者謂雙林中說諸衆生悉有佛性常住佛教即涅槃經大悲經等是下觀可尔理即不然提謂經說五百賈人將受五戒先懺悔彼五逆十惡謗法等罪得四大本淨五陰本淨六塵本淨吾我本淨時提謂等得不起法忍三百賈人得柔順忍二百賈人得須陀洹果四天王等得柔順忍三

百龍王得信忍自餘天等皆發无上道意十億天人皆行菩薩十善提謂長者滅三界苦得不契法忍即是初地或第八地又普曜經第二七日提謂等五百賈人獻佛越蜜佛与授記汝於來世當得作佛名曰齊成云何但言第一唯是世間教也但為此日猶未分明說三乘者同所觀諦故未名轉法輪至五比丘時法輪方名轉次第二時十二年中唯說有教者覺愛難云成道五年說大般若正明寶相又第七年為八菩薩說般若三昧經正明衆生五陰本空又第九年說鶻崛摩羅經第十年中說如來藏經皆明涅槃佛性深理又提謂普曜經並明甚

薩行又與賈人授記成佛明初成道已說大乘又成
道竟第二七日說十地經又大般若云佛在鹿野轉四
諦法輪无量衆生發聲聞心无量衆生發獨覺心
无量衆生發阿耨多羅三藐三菩提心行六波羅蜜
无量菩薩得死生法忍住於初地二地三地乃至十地
无量一生補處菩薩一時成佛云何但言第二唯說三
乘有教是知一兩普潤稟解不同不可說佛教必有
先後今依古義且破二時後餘三時並如古破下雖
可尔理即不然恐厭文繁且略應止依今新經頌教
大乘但唯一時大機不從小起教被唯一故若漸次之
教乃有三時解深密經中佛為勝義生菩薩依於三

性說三无性皆是遍計所執性已勝義生菩薩深
生領解廣說世間毗濕縛藥雜絲畫地熟蒸虛空
諸辟喻已世尊讚歎善解所說勝義生白言佛
初於一時在波羅痲斯仙人墮處施鹿林中唯為發
趣聲聞乘者以四諦相轉正法輪雖是甚奇甚為
希有一切世間无能轉者而於彼時所轉法輪有上
有容是未了義是諸諍論安足處所世尊在昔
第二時中唯為發趣備大乘者依一切法皆无自
性无生无滅本來寂靜自性且勝以隱密相轉正法
輪雖更其奇十一甚為希有而於彼時所轉法輪亦是右
上有所容受猶未了義亦諸諍論安足處所世尊于

今第三時中普為裝趣一切乘者依一切法皆无自性无生无滅本來寂靜自性涅槃无自性以顯了相轉正法輪第一甚奇寂為希有于今世尊所轉法輪无上无容是真了義非諸諍論安足處所依此經文阿含經等為第一時惣密說有不明有者有其何性大般若等為第二時惣密說空不明空者亦空何性花嚴經等為第三時顯了說有之依他圓成亦顯了說空之所執性故善戒等云有為无為名為有我及我所名為空金光明經亦說三種法輪謂轉照持轉四諦法以空照有非有非空可任持故涅槃亦言初有醫師教人服乳由純服乳國人多死後有醫師說乳為毒教並令

斯國人並差後王有疾問藥所宜醫處藥方以乳
和藥王瞋問彼汝先所說乳為毒藥何故今者令
和藥服醫答王言前為純服國人多死由常服之故
說為毒恐不能斷愁令斯之案實理者有病宜服
有病不宜王今此病宜和藥服正所應尔佛言我法
亦復如是法華亦言我等內滅自謂為足唯了此
事更無餘事初時教也我等若聞淨佛國土教化衆
生都无欣樂第二時教也佛亦如是現希有事知
樂小者以方便力調伏其心乃教大智我等今日
得未曾有非先所望而今自得第三時教也即同金
光明解深密等三時教也若以偏圓機宜漸次教但

三時非一五等不可難以一雨普潤三草不同教被唯
有一其頓悟之機一果之證即依此理无三時之教若機
成漸次大從小生教定有三應三說故將理會教名為
一雨將教就機說三乘法或三或一理不相違此經三
周說一乘處多被聲聞先說般若已教其空破彼有
病彼不愚法既信解已今說第三時令其歸趣亦化頓
悟因得教心流通分中證獲无生如前所說亦通頓教
是知一雨滋益十一別故為顯第三時真實之教故說此經後
顯機者依十二涅槃經十一准有一機故彼經云師子吼者是
決定說一切衆生悉有佛性十一又云衆生亦尔悉皆有心
凡有心者悉皆當得阿耨多羅三藐三菩提此經亦

云十方佛土中唯有一乘法无二亦无三除佛方便說
但教化菩薩无聲聞弟子乃至廣說聲聞若菩薩
聞我所說法皆成於佛依此唯有一大乘性此經既
說一乘被彼大乘根性然性有二理性勝鬘所說如
來藏是二行性楞伽所說如來藏是前皆有之後
性或无談有藏无說皆作佛依善戒經持地論中唯
說有二有種性二无種性彼經論云性種性者无始
法尔六處殊勝展轉相續此依行性有種性也二无
種性人无種性故雖復教心懃行精進終不能得上
菩提但以人天善根而成熟之即无性也此彼有
性非被於无此依行性以說有无已下多依行性

而說理性遍有故依有非无勝劣異故天親攝論
亦言上乘下乘有差別故菩薩聲聞各分三藏又處
之說如來十力中有根上下智力此即上乘菩薩截
攝被上根故依有非无依異非同以通就別此經又言為
求聲聞者說應四諦法為求緣覺者說應十二因
緣法為求菩薩者說應六波羅蜜法此經說一乘
即為求菩薩者說應六波羅蜜法此經下文妙莊
嚴王品八万四千人遠塵離垢亦可言被聲聞傍利
益故有无俱彰大小類別依同非異以別攝通涅槃經
言譬如病人有其三種一者若遇良醫不遇良醫決定
可差即菩薩也二者若遇即差不遇不差即二乘也

三者若遇不遇決定不差即一闡提此經亦言輪王釋
梵是小藥草聲聞緣覺是中藥草大小菩薩名大
藥草隨逆次第亦同濕藤今此唯被菩薩性人先
雖是聲聞後作菩薩故又亦可言被彼聲聞如前已
說依有非无通別類異又大般若善勇猛菩薩言
唯願世尊哀愍我等為具宣說如來境界若有情
類於聲聞乘性^{十二}決定者聞此法已速能證得自无漏
地於獨覺乘性^{十三}決定者聞此法已速依自乘而得出離
於無上乘性^{十四}決定者聞此法已速證無上正等菩提
若有情類雖未已入正性離生而於三乘性不定者
聞此法已皆發無上正等覺心諸論雖說聖亦迴心

今說不受變易生死以迴心者故言未入正性離生此
經被彼大乘定性聲聞定性及不定性如前已引然
無被彼獨覺緣文有無雙彰以通從別又勝鬘經言
譬如大地持四重擔一大海二諸山三草木四衆生如
是獨受正法善男子堪能荷負四種重任謂離善
知識無聞非法衆生以入天善根而成熟之求聲聞
者投聲聞乘求緣覺者投緣覺乘求大乘者投
以大乘與被大乘可及聲聞非餘二性依有非無
通別類異現當非有楞伽經云佛告大慧有五種之
性證法一聲聞乘性二辟支佛乘性三如來乘性四
不定乘性五者無性謂一闡提此有二種一者焚燒一

切善根即謗菩薩藏二者憐愍一切衆生化盡一切衆生界願是菩薩也若衆生不入涅槃我亦不入大惠白言此二何者常不入涅槃佛言菩薩常不入涅槃非焚燒一切善根者以知諸法本來涅槃不捨一切諸衆生故此經被聲聞及如來乘性不定乘性及一闡提中大悲菩薩非獨覺性及斷善根者有死並說通別類異現斷畢无又大莊嚴論云有五種性初四同摺伽第五有二種一時邊二畢竟時邊即雙時畢竟講无因此經被前四中除獨覺及第五性依有及無當成不成通別類異瑜伽又說有五種性前四同前第五唯一謂无種性此經被彼与莊嚴同若以一

乘為宗唯被有菩薩性不被唯聲聞性二兩所潤三章
各別可被聲聞瑜伽等云无間道能遠塵解脫道能
離垢證此勝智名法眼淨即是見諦預流果等故知
非說一乘之處亦被聲聞經會既有故作此通為被
機宜說是經也十三第二明經宗旨此方先德愬判經論
有其四宗一立性宗十一雜心等是立五聚法有躰性故二
破性宗成實論是破法有躰唯十四有相故三破相宗般
若等是破法相狀亦成空故四顯實宗涅槃花嚴法
華經等是顯於真實中道義故此經即是第四宗
也且古經論宗致極多舊四阿含及僧祇律大衆部
義三祇帝論上座部義舍利弗向毗曇梵網六十二

見經正量部義四分律是法藏部義此等經論復是
何宗然文殊問經又宗翰說小乘有廿部謂大衆部
說部說出世部雜胤部多聞部說假部制多山部西
山住部北山住部說一切有部雪轉部犢子部法上部
賢胄部正量部密林山部化地部法藏部欽光部經
量部并大乘二合廿二宗今依文判教也但有二若以
類准宗也乃有八教但三者一多說有宗諸阿含等小
乘義是雖多說有亦不違空二多說空宗中百十二門
般若等是雖多說空亦不違有三非空非有宗花嚴深
密法花等是說有為无為名之為有我及我所名為
空故此等三教如前引文宗有八者一我法俱有宗牆

子部等二有法无我宗薩婆多等三法无去来宗大
衆部等四現通假實宗說假部等五俗妄眞實宗說
出世部等六諸法但名宗說部等七勝義皆空宗般
若等經龍樹等說中百論等八應理圖實宗此法華
等无著等說中道教也成實論義經部師宗即當第
四現通假實宗雖老別義合廿二據理會差莫過此八
然花嚴去如来以一語言中演說无邊契經海无垢稱
經言佛以一音演說法衆生隨類各得解无量義經言
我成道來卅餘年常說諸法不生不滅不去不来無此
无彼无得无失一切相无相但由衆生悟解不同得諸果異
法華亦言一雨普潤三草二本生長不同優婆塞經言三獸

渡河得淺深別攝論亦言如未足天鼓无思成自事
故知諸教本无差別由機不同遂分大小頓漸之教此
經且當大漸之教此依化誘聲聞以歸於大名之為漸
妙莊嚴王本事品中八万四千人遠塵離垢得法明淨
即初果等一七壽量品中八世界微塵數衆生發阿耨多羅
三藐三菩提心普門品中八万四千衆生皆發无等无阿
耨多羅三藐三菩提心一五可成頓教故知頓漸无別教門
隨機以分故此通也半滿二教滿宗所収生法二空通二
教攝有作无作可貫兩門世俗勝義隨應分二雖知
通旨宗義若斯隨別所明一乘正為宗也故下文言今
此經中唯說一乘而昔於菩薩前毀譽聲聞樂小法

者然佛實以大乘教化故與之以一乘為宗一乘之義至方便品一大事因緣中當廣分別第三解經品得名者且經題目妙法蓮華經得名者梵云薩達磨奔荼利迦素四纜薩者正妙之義故竺法護云正法花羅什云妙法蓮華達磨法也奔荼利迦者白蓮華也西域呼白蓮華為奔荼利迦故新經說青黃赤白四色蓮花云殞鉢羅花拘曇陀花鉢特摩花奔荼利迦花如次配之蓮者芙蓉實也花者華也華美曰花素但纜者經義應云妙法白蓮花經所以下云放白毫光駕以白牛白是衆色所依之根本故一乘乃是諸乘本故梵本無別白字故迦云蓮華然此經中鶻

子三請惡人退席已後方說一乘深旨多依因果理智以
名法花開佛知見雙歎理智法報二身二種無上今生
狀趣示佛知見是法身理示同令證悟佛知見是報
身智勸其備悟此上三種歎顯佛果法報二身涅槃菩提
理智二說入佛知見是此二因行一乘因趣極果故等賜
牛車是一乘因得如是乘與諸子等曰夜初數日在
遊戲是因乘故滅去化城引至寶所是一乘果大樂涅
槃名寶所故與舟中邊三種无上亦不相違能證之教名
權方便所證智惠名真之實之乘之中欲令二乘行因趣果
故說因果名為法之花之本論解方便品言自此已下
明所說因果相由此正取一乘行果名為法華若依論解

无量義經十七名中第十六名妙法蓮華之有二義一
出水義所詮之理出離二乘濁泥水故二開敷義以勝教
言開真理故前為理妙後為教妙又彼諸名第十四名
亦名一乘故知十五法花亦通教理欲令菩薩觀機授道故
說教理正名无量義傍亦名為法花方便品云諸佛智
惠文贊甚深无量其智十六惠門難解執難入論自釋言有二甚深
一證甚深謂佛智惠所證智也二何會甚深謂智惠門即
詮彼教欲拂二乘令生驚問故從无量義處定起初
以教理名為法華總攬諸文據實而說教理行果俱是
一乘皆名妙法蓮華教理妙法如次前說行妙法者論
釋入佛知見去令證不退轉地示現与无量智業故正

是佛果之因乘也譬喻品云我身手有力當以衣裓几
案從舍出之復云唯有一門而復狹小又云我雖能於此
所燒之門安隱得出大乘因行名之為門正所行處故二乘
之因悲智所誘名衣裓几案隨宜出處故上來三乘猶
居分段三界宅故未與車名又云得如是乘令諸子等
日夜劫數常得遊戲與諸菩薩及聲聞眾乘此寶乘
直至道場故知出宅无漏因行正名一乘自在无繫无碍
依求故方便品云盡行諸佛无量道法論云脩行甚深
故知佛果能成之行亦名法花果妙法者論解開示悟
云死上義同義不知義即是佛果涅槃菩提下去諸法
寂滅相不可以言宣故知佛果真理亦名一乘又云說

佛智惠故諸佛出於世故知佛果正智亦名一乘由此惣
大乘教理行果俱有出二乘濁水蓮花之德教有能
妙理之功理有所敷出水之力行有因敷趣果之相果
有結實酬因之能故也然則法藉喻明微猶著顯故假
奔荼利之花實况薩達摩之果因法既囊括四義花
亦它羅四德法四義者契秘贖之微筌教也叶幽機之
玄旨理也剋上乘之奧業行也圓至覺之真宗果也美
死不殫故稱為妙花四義者齒落披敷以見蓮類教諭
揚以悟旨芙蓉秀出於靈沼喻理穎超於小運舉蔭開
而得實譬因嚴而果滿標實結為華本顯佛智為乘
源故假喻蓮花斯有由矣准此理應法四如花亦應為

勝然觀經意雖具有四方便品初意彰昔日教推說
三今此會中實唯有一佛所得法甚深難解有所言
說意趣難知故以佛智對誇一乘教理二種取譬蓮花
拂彼二乘令真聖者問取一乘令假聖者避席而去
三請已後許其正說一大事孰因緣為法花正躰即取行
果以為法花開亦悟為果入為因行故云无量義解蓮
花有二義初不可盡解頓悟菩薩性出二乘後喻聲
聞入衆中坐顯彼依教觀一乘理成漸悟故亦如菩
薩當坐蓮花傍為二乘兼說教理或无量義經為
菩薩說對衆生性欲以弃无量欲令菩薩以教理二
運生機故論解十七名中唯教理二以解蓮花此經

化彼二乘發心求大唯行果二以名蓮花又復此經化
二乘者以歸於大令知教摧謾三理辨唯一發心脩行
終成佛果故教理行果俱名蓮花教行並開敷理果
俱出水故下十七名中更當分別若但以真如為其妙
法二乘之體蓮花二義出水開敷喻寬法狹理必不然
况論釋名非解於此法即是妙是蓮之花持業依主
二釋如次亦可大法之妙是依主釋妙法如蓮花亦持
業釋今此不欲別釋蓮花故非相連釋若理為妙經
但是教言妙法經即依主釋妙法是教經亦是教言妙
法蓮花經即持業釋若妙法是理經亦是理言妙法蓮
華經亦持業釋妙法是教經是理者亦依主釋依順

辨義處中因出世報依人依之法依喻以為其名
如宗輪記序品等義並如音訛其品得名者經有廿
八品謂序品方便品譬喻品信解品藥草喻品授記
品化城喻品五百弟子受記品授學无學人記品法師
品見寶塔品提婆達多品持品安樂行品從地踊出
品如來壽量品分別功德品隨喜功德品法師功德
品常不輕菩薩品如來神力品囑累品藥王菩薩本
事品妙音菩薩品觀世音普門品陀羅尼品妙莊
嚴王本事品普賢菩薩勸發品於此諸品惣為四例
一義為名有十五二義為名有十三義為名有一不
定為名有二一義為名有十五中復為四例從法為名有

四方便品信解品持品施羅尼品從喻為名有三譬
喻品藥草喻品化城喻品從人為名有四法師品提
婆達多品常不輕菩薩品妙音菩薩品其法師品有法
之師本贊從人名中法即是師熟以法為師從法名中隨應可
悉從事為名有四序品授記品從地踴出品囑累品
二義為名有十中復有三例從人法為名有八授學无
學人記品如來壽量品法師功德品如來神力品藥王
菩薩本事品觀世音普門品妙莊嚴王本事品普賢
菩薩勸發品能所為名有一分別功德品因果為名有一
隨喜功德品三義為名有一五百弟子受記品五百者
數弟子者人受記者事故成三義不定為名有二

安樂行品二見寶塔品安樂之義通因果故其見之
義通見現故安樂在因見者現也即一義名中若安
樂在果見者見也即二義名中思准可悉且依懃類
以弁得々名々所從至品當釋 第四顯經品廢立者案
此經根本秦姚興時鳩摩羅什所翻廿七品无提婆達
多品沙門道惠宗齊錄云上定林寺釋法獻於于闐
國得經梵本有此一品无官寺沙門法意以齊永明
八年十二月譯出此品猶未安置法華經內至梁末有
西天竺優禪尼國沙門拘那羅他此云家依亦云婆羅
末陀此云真諦又翻此品始安見寶塔品後有燉煌
沙門竺法護於晉武之世譯正法花其提婆達多品

亦安在見寶塔品後什公本无之者古傳云慈嶺已西
多有此品已東多无什公既在龜茲故无此品若尔法
獻於于闐國如何得此品于闐亦在慈嶺東故又有解
云塔品命持而持品應命言勢相接而忽間以天授則
文勢踈断什公恐末葉多或所以刑之若尔即取捨真
文並由羅什刪繁好醜併在一人斯為未可釋道安以
翻經者多略經文乃作五失三不易云結集之羅漢競
云若此末代之凡夫平々若是敗千代之上微言同百王
之下末俗豈不痛哉故天授品梵本皆有又天授品
顯已重法為牀以求經力勢大龍宮踴出經威速疾龍
女道成讚勸於人何不此後即有持品但知梵本有之

而什公本闕十一隨本翻譯故无此品既非以東西判定亦
不可以義越刪之但是什公梵本差脫邊國訛鄙多脫
錯故又此經中文善囑累品安在神力品十九後者古有解言什
公善得經意所以不安經末置在前者囑累品中令
分身佛各還本土若安經末則至說經竟始令分身
各還本土未還已前本土猶淨妙音來曰何事被誡
於此土中勿生下劣之想又下方踴出既普稽首分
身東土妙音不應獨頂礼多寶觀音奉珠不應但為
二分人身諸佛何過不蒙又囑累一品既明付囑藥王
等品受命和宣以此而推不應居後所以什公安於前也
上來所說乍雖可尔窮其旨趣理有八達一衆本相違

難晉時生法護所譯正法華及隨時崛多笈多二人所
譯添法華中此囑累品安在經末二論經相違難法
花論中說脩行力略有七種一持力法師品安樂行品
勸持品示現二說力神力品示現三行苦行力藥王品示
現四教化衆生行苦行力妙音品示現五護衆生諸難力
觀世音品陀羅尼品示現六功德勝力妙莊嚴王本事品
示現七護法力普賢菩薩品及後品示現既言七護法力
普賢及後品示現明知囑累合居經末若不介者普賢
品後更有何品又神力品後即明藥王餘皆依次故知
囑累合在經終三諸教不同難餘經囑累並在經終何
故此經獨在前說四二事乖覺難若以令分身佛還此

土便穢妙音來日故被誡者屬累品中亦令多寶塔
還何故觀音奉珠猶為二分五兩命不齊難若分身
多寶並各遣還何故分身即還多寶佛塔猶在若
言令多寶塔還可如故但是閑塔者若尔何故正法華
去可還本土六塔无還處難又分身諸佛釋迦命去初
即言歸多寶佛塔迄至經終更无還處七淨穢有殊
難又以妙音被誡便非淨土故知分身久已還國者
分身佛集之時何故各命侍者手捧蓮花普詣靈
山持散佛上變淨土時諸山皆无通為佛國五道亦盡
何有靈山誼佛持散又文殊海會將至此間預在靈
山忽有花現一十九八衆喜乘情難又屬累品令分身佛還

塔時不去若非經末方囑累者向脩羅等皆大歡
喜何太早生玄贊一千既非聞法寶取以喜生乃是見客佛去以
歡喜深成可恠但是先施神力故現淨土由此土本
穢恐妙音薰見本土穢相而生譏毀所以被誡非以
昔至分身已還而土便穢如雖淨土還見靈山變不唯
淨薰見穢故上見下故何因不許二佛同坐妙音致禮
觀音奉珠禮贈此二施主別意不通餘佛只如天授品
中文殊龍宮而出獨禮塔中二世尊足此時分身未還
本土文殊千時不禮分身故知歸奉意別何得例使
通歸故知囑累合在經終歡喜奉行並居後故又
觀音普門品本皆无偈或有安者後人添足俗每

疑云若佛說者云何偈言具足妙相尊偈答无盡
意此乃經家結集為偈如勝鬘云即生此念時佛於
空中現等從前偈後乘便為偈以生後偈中間文短長
行不便理亦應通又有疑云若佛說者何故偈云呪詛
諸毒藥還著於本人豈佛世尊返宮生命昔亦致或
曾問先師慈音以大雲義大師勘梵本既具此偈正云
梅坦利曳末那應言慈意非慈音也故定有之有又
无失乃是應宜而為調伏如巧獵師善取罟熊亦如良
醫善用返藥初雖有損後必為益非後為損而初
益之有頌既不乘宗設无亦何連理又隨時所添經中
在嚴幢菩薩問无盡意觀音名所由无盡意菩薩遍觀

人音過去願海告莊嚴幢而說於偈若尔云何偈言
世尊妙相具我今重問彼具足妙相尊偈答无盡意
文既相違故知差舛又彼經藥草喻品加其後半論釋雨
喻破執乘一彼說乘同日光為喻正法妙法兩經俱无論
又不解四從三逆有爽通達无順成理彼經又以陀羅尼
品安在神力品後連二本經及論次第又云富樓那及法
師二品初皆脱以既无誠文理難依信又云自有廿七品以
天授品与寶塔同品四本連三寔為未可 第五彰品次
第者凡欲說法必先警覺群情撻集緣和乃可應物
宣暢陳說之漸初名序人品人既訖次辯正宗眾既集而
未開須陳宗以訕誘法說一乘為實略開二運為摧言

一實而導彼歸途顯二雅而令斯返跡熟智揚善巧妙應

上根語演神功津真邃理故次有方便品上根領悟佛
重述成方有授記應有領述及授記品良以鶩子獨類
不可孤明領述授記文以略故譬喻品初寄其領述及
為授記中根之類雖聞法說猶未能解不因喻曉死
以解生故有譬喻品智者因喻領惠隨生故有信解
品雖以信解尚未深知為破疑情重成其意故有藥
草喻品四大聲聞既深領解記其當果故次有授記
品上中二性雖復解生下根之徒殊无悟想必假丁寧之
說要資鄭重之訓說過去結緣之始覺照其心述被
所得涅槃本非真滅今歸寶所趣大涅槃故次有化

城喻品高名之輩因說卽解應有信解復重淨心
良由三遍慈懃領解文略卽亦不廣不別生品先陳
高名當果之相故有五百弟子受記品下位之壽時
漸亦達為之授記故有授學死學人記品三根並悟說
利已周將使遠代同規歎人美法令扣大義故有法
師品依法備學若法若人可師可範故破小執而成
大道會推旨以入真宗信學既希歸崇亦數多寶
現塔分身佛集勸長明信證說不虛故有見寶塔
品雖他佛說證信此經未顯自尊勸人歸仰故顯身
作國主為重此經於彼怨家為牀求法亦顯經威廣
大度龍宮衆極多法力速成化龍女以成道故有提

婆達多品既現自他俱為寶重威和用速慈勸勉
聞經菩薩皆受教而願持故有持品若依論本言勸
持品此雖无勸字因前勸而令持故名勸持理亦无
爽其有末代行者多越軌摸今示儀方今易宣暢法
既易行自離傷毀故有安樂行品八恒菩薩聞妙道
以願持佛時不許明已有於和者遂有六万恒沙菩
薩久離傷毀先願和宣勸發時會故有從地踴出品
衆見踴出謂此化而非真父以子老疑非釋迦所化今
明我道久成一三五所化故宜非少釋山疑難故有如來壽量
品報佛之身現壽量而長遠法身之躰亦方便以宣
揚故知釋迦由來又卷一千二化貨佛德深妙聞信者多利益既

和功德无量今明時衆差別獲益故有分別功德品
特宜所益雖已具陳有能隨喜福亦不以故有隨喜
功德品傍人隨喜尚獲福多正能宣闡功德亦衆故有
法師功德品法師持經必當作佛毀法師者獲罪无
量羽已為證故有常不輕品如來勸說福事俱多恐
衆生疑謂佛虛唱顯已言而不認何得誑汝衆生繼
神力以示之故有如來神力品藥王昔者殉命持經
說被本緣勸勉時會故有藥王菩薩本事品流行正
法此彼之主皆通藥王也此王如揚故出妙音令他方
傳授故有妙音菩薩品衆生持經多諸部難必假普
示諸門大悲救護故有觀世音普門品雖念觀音憑人

救難未持神呪仰法加威欲令廣有威靈持經易可
成濟故有陀羅尼品持經之力不簡然親經福所資常
生勝處欲明古今相印以勸和未妙旨故有妙莊嚴王
本事品雖此土他土皆有和經未有此方他方俱為勸
勵故有普賢菩薩勸發品讚勸既周化緣已畢慈愍
付授遠使流通故有囑累品此依正法花及論囑累品
居後釋其次第若神力品後即說囑累品人情曲解未
契通途 第六釋經本文者古遵法師六廿八品分為二文
初之一品明如來起化由序餘廿七品辯其正化序品陳其
始由正化明其利益迄至經末皆有益故吉藏師云初一
品名序分次十五品半名正宗至分別功德品初校量頌

末以來明乘摧乘寶身摧身實為正宗故鷲子三請
明乘摧寶稱勃三請明身摧寶彼頌第二長行聞此
壽量信辭功德无有限量及下十品名流通分淨法師
去初一品名序分次十九品名正宗神力品下有八品名流
通雖有此判不釋其所由也今為二解初一品名序分次
八品名正宗正說一乘授三根記根本所為皆已獲益化
披二乘出濁水故此經下去今此經中唯說一乘而昔於菩
薩前發此言聲聞樂小法者然佛實以大乘教化又釋
婆達多品智積菩薩白多寶佛可還本土故知事了
方始請還明知說一乘處正是經宗若不說一乘但獲
益處皆正宗者普賢品中无量菩薩得脫羅尼三千世

界微塵數菩薩行普賢道亦是不說一乘而獲益故
皆應正宗若尔即古遵法師乃為指南又事既未了如
何智積中路請還或并法師品八品半為正宗以法師品
初授餘現坐凡聖見聞隨喜者當得菩提記故持品
雖授現坐比丘尼記因請持經佛便與記仍言前已懃
與記說更不說一乘故非正宗餘十九品惣名流通讚證
受命付令行故或初序分如前无別從方便品下至持品
合十二品明一乘境安樂行品從地踰出品此之二品明一
乘行如來壽量品下至常不輕品合此五品明一乘果
說境令知乘之權實勸應捨權而取於實聲聞悟此
遂便得記說行令知因之是非勸應學是而除於非

學者由斯從地湧出說果令知身之真化證之果因
勸識於化求證於真漸獲因果二位勝德菩薩知此
遂便道證具顯果因所成勝德神力品下皆名流通
示相付囑稟命行故與等所由皆至下釋論說序品
有七種成就之者具足圓滿之義欲明序中具足七該
之圓滿餘經无故一序今成就始述通由具圓滿故山城圓
滿表勝餘故偏得序名實七皆序二眾成就与大比丘
眾下是一數二行三攝功德四威儀如法住圓滿勝餘經
故三如來欲說法時至成就為諸菩薩說大乘經下是先
說无量義具十七名勝餘經故四所依說法隨順威儀住
成就佛說此經已結跏趺坐下是依止定器眾生世間

此三種法餘經无故五依止說因成就今時佛放眉間
光下是見能照之境所照等事生希有心餘經无故
六大衆現前欲聞法成就今時弥勒菩薩作是念下是
雖問入多人欲聞生希有心餘經无故七文殊師利答成
就以宿命智現見過去因果相成就十種事如現在前是
故能答餘經无故七中分二初二通序後五別序通序有
五一惣顯已聞三二說教時分三說教主四所化處五所
被機此入衆成序成但四如是我聞即為初也為令生
信顯已聞故論本熱但說序二成就一者城二者山此二
處勝與餘經別所以偏說聞時及佛不異餘經雖經具
有不別探勝如是我聞等以三門分別一說之所由二立

之所以三正釋其文說之所由者如大術等經說其本緣
佛臨涅槃時佛令有疑當問時優波離阿菟樓駄教
阿難請問四事一佛滅度後諸比丘等以誰為師二依
何處住三惡性比丘如何治罰四一切經首當置何言佛
教之云我滅度後以波羅提木叉為汝大師依戒而行
依四念處住安處其心惡性比丘梵壇治之梵默然故
不應打罵但默損故一切經首當置如是我聞等言後
阿難結集還依佛教廣述所由皆如經說立之所以者
為令衆生之信順故智度論云如是我聞生信也信受
奉行生智也信為能入智為能度信為入法之初基智
為究竟之玄術信則所言之理順之則師資之道成由

信故所說之法皆可順從由順故說聽二伎師資建立於
此信中略為十釋一趣極果之初因依仁王等經趣聖位
之初因故世心以信為首家初發起大菩提心須具十德
起三妙觀大菩提心以善根為自辨以善友為良緣以
不退屈而為策發善根即信精進念定惠故攝大乘
玄清淨增上力堅固心勝進名菩薩初備死數三大劫二
入諦理之基漸諸論皆說將入聖位有信根信力有信
根故万善因此而生有信力故四魔不能屈伏由此經
初創令生信三通妙真之證淨能越惡道離貧賤因
故入聖已證四不壞信三寶故能越惡道由信戒故
離貧賤因故論亦說有信現觀四荷至德之嘉依毗婆

以說信者食法味之嘉手學佛法者如大龍象以信
 為手以捨為牙以念為頸以惠為頭於其兩肩擔集善
 法象所飲噉以鼻為手故學佛法者寂初信生五聖
 七財之元胎法財初故學者大商元規法寶教獲聖
 財故初生信顯揚論云七聖財者謂信戒聞捨惠慙愧
 信即一焉六善一三四九因之絲落善法本故瑜伽論云入諸善
 法欲為根本女贊一三五作意所生觸所集起受所引攝定為增
 上惠為寂勝解脫為堅固出離熟為後邊欲為根本者
 起希望故作意所生數警覺故觸所集起和心之所
 對勝緣故受所引攝領在心故定為增上心澄寂故惠
 為寂勝擇善惡故解脫為堅固息纏縛故出離為後

邊覺道滿故信既為欲依故取初今起七啓機門之勝
手接教手故俱舍論云拔衆生出生死泥後陳正宗
為佛教手序令生信為衆生手兩手相接出淤泥故
智論又云如人有手至於寶山隨意所取若其无手則
空无所得有信心人者入佛寶山得諸道果若无信心
雖解文義空无所得亦此所攝八湛心水之清珠令心
淨故成唯識云信如水清珠能清濁水故能治不信自
性渾濁故九建名道之資糧宣尼云其食信三信不可
弃自古皆有死人无信不立如大車无輓小車无輓人而
无信不知其可十款衷誠之佳待春秋云苟有明信嶠
嶮沿汜之毛蘋蘩蘊藻之菜可薦鬼神可羞公王而况

君子結二國之信此中十義初八依真後二依俗故經首
置如是經義親從佛聞離增減失為令衆生起信樂
心順脩學故正釋其文者佛地論說如是之言依四義
轉一依譬喻如有說言如是富貴如毗沙門如是所傳所
聞之法如佛所說定无有異定為利樂方便之因或當
所說如是文句如我昔聞二依教誨如有說言汝當如
是讀誦經論此中如是遠則佛之教誨近則傳法者之
教誨也或告時衆如是當聽我昔所聞三依問答謂有
問言汝當所說昔定聞耶故此答言如是我聞四依許
可如有說言我當為汝如是而思如是而作如是而說
謂結集時諸菩薩衆咸共請言如汝所聞當如是說傳

法菩薩便許可言如是當說如我所聞或信可言是
事如是謂如是法我昔所聞此事如是齊此當說定
无有異由四義故經初皆置如是我聞真諦三藏云
微細律明阿難昇座集法藏時身如真佛具諸相好
下座之特還復本形勘集藏傳亦作是說衆生三
疑疑佛大悲後退據起更說妙法二疑更有佛從他
方來住此說法三疑彼向難轉身成佛為衆說法
即顯如是所說之法我昔侍佛親所曾聞非佛更起
他方佛至轉身成佛為除此疑故經初言如是我聞
結集之緣如藏章說注法華云如是者感應之端如
以順緣受名是以死非立稱衆生以無非為感如來以

順機為應傳經者欲顯名教出於感應故建言如是
注无量義經云至人說法但為顯如唯如為是故言如
是璉公云以離五謗名為如是第一句如是此經離執有
增益謗第二句如是此經離執无損減謗第三句如是
此經離執亦有亦无相違謗第四句如是此經離執
非有非无愚癡謗第五句如是此經離執非有非无
无戲論謗第六句如是將傳所聞前題舉一部也如是
一部經義親從佛聞即為我聞作呼轍耳梁武帝
云如是如斯之義是佛所說故言如是長耳三藏云如
是有三就佛三世諸佛共說不異名如以同說故稱是
二就法諸法實相古今不異故名為如人人而說故稱

為是三就僧以阿難聞望佛本教所傳不異故名為如
永離過非故稱為是由此同說稱理无謬所傳不異
故經可信已上合有一十五釋言我聞者傳法菩薩自
指已身言如是法親從佛聞故名我聞非謂我者定
屬一人我謂諸蘊世俗假者然我有三妄所執我謂
外道等所橫計我二假施設我謂大涅槃樂淨常我
除二乘倒強施設改三世流布我謂世共傳天授祠授
等今傳法者隨順世間自指稱我不同前二即无我之
大我也問諸佛說法本除我孰何故不稱无我乃言
我聞者有四義一言說易故若說无我通蘊界處如此
說誰二順世間故三除无我怖故言无我者為誰備學

四有自他染淨因果事業等故所以稱我問若尔何
故不稱名字但稱我耶答有三義一示不乖俗宗雖
顯真序不乖俗理雖顯妙言不乖薩欲顯真諦不
離俗故二我者主宰自在之義集法傳云有三阿難
一阿難云慶喜村聲聞藏二阿難藏施云喜賢持獨
覺藏三阿難伽羅云喜海持菩薩藏但是一人隨德
名別由三阿難多聞持其聞積集三惠齊備文義
並持於三藏教迥持自在若稱名字雖順正理死於諸
法得自在義由斯稱我不道阿難三我者親義世間共
言我見我問此將為親證若言阿難問或非親問從
他傳受今顯親問世尊所說非是傳聞破他疑網故

不稱字但言我聞。謂耳根發識聽受所說。今瘖耳別就我慙稱故名我聞。雖依大乘根識心所對境。和合方名為聞。然根五義勝於識等。故報名聞。若但聞聲。可唯在耳。既緣名義。便在意中。故瑜伽言。聞謂比量耳名聞者。親聞於聲。與意為門。意方聞。故以二為門。薰習在慙。因聞所成。慙名為聞。瘖別耳意。慙名我聞。問慶喜。于時親亦見覺知佛所說。何故但言我聞。不言我見。等。答有三義。一欲證深理。要先聞法名等。詮義非色等。故二此界以聲而為佛事。聲為所依名等。有故三希證菩提要聞薰習。因聞薰習成。出世故。由斯經首不說見覺知唯說我聞。實于時亦見佛說。諸餘佛土以光明等而

為佛事可言見等於此義中應生分別問為佛說法言
我能聞為佛不說言我聞邪若有二解一解者龍軍等
言佛唯有三法謂大智悲之離戲論曾不說法由佛
慈悲本願緣力眾生識上文義相生此文義相雖親依
自善根力起而就種緣名為佛說由耳根力及自意變
故名我聞故无性云隨塵八時聞者識上直非直說聚集
顯現以為辨性彼自難云若尔云何菩薩能說彼論初言
薄伽梵前已能善入大乘菩薩為顯大乘辨大故說攝
大乘品故為此難論復自答彼增上生故作是說譬如
天等增上力故令於夢中得論呪等故經亦言始從
成道終至涅槃於其中間不說一字如母臨指子生喫

解二者親光等言佛身具有蘊處界等由離分別
名无戲論豈不說法名无戲論謂宜聞者善根本願
緣力如來識上七上文義相生此文義相是佛利他善根所
起名為佛說聞者識上雖不親得然似彼相分明顯現
故名我聞女黃一二人親說言謂餘相續識差別故令餘相續
差別識生彼此牙為增上緣故由此經說我所說法如手
中葉未所說法如林中葉如未足天鼓无思而作故此
中二解隨彼兩文綺牙解釋應知說此如是我聞意避
增減異分過失謂如是法我從佛聞非他展轉顯示聞
者有所堪能諸有所聞皆離增減異分過失非如愚夫
无所堪能諸有所聞或不能離增減異分結集法時傳

佛教者依如來教初說此言為令衆生恭敬信受言如是法我從佛聞文義決定无所增減是故聞者應正聞已如理思惟當勤備學 經一時 贊曰第二說教時分也此有二義一法王啓化機器咸集說聽事訖惣名一時二說者聽者共相會遇時分无別故云一時機感應化時无別故初就刹那相續无斷說聽究竟假名一時此有二解一者道理時說聽二徒雖唯現在五蘊諸行剎那生滅即此現法有酬於前引後之義即以所酬假名過去即以所引假名未來對此二種說為現在此過未世並於現在法上假立即說聽者五蘊諸法剎那生滅前後相續事緒究竟假立三世惣名一時非一生滅之

一時也二者唯識時說聽二後識心之上變作三時相狀而起實是現在隨心分限變作短長事緒終訖惣名一時如夢所見謂有多生覺位唯心都无實境聽者心變三世亦尔唯意所緣是不相應行蘊法界法處所攝此言一時一則不定約刹那二則不定約相續三則不定約四時六時八時十二時等四則不定約成道已後年數時節名為一時但是聽者根熟感佛為說者慈悲應機為談說聽事訖惣名一時不定約刹那等者聽法之後根器或鈍說時雖短聽解時長或說者時長聽者亦久於一刹那猶未能解故非刹那不定約相續者由能說者得陀羅尼說一字義一切皆了或能聽者得淨耳意聞

一字時一切能解故非相續由於一會聽者根機有利
有鈍如來神力二十八或延短念為長劫或促多劫為短念亦
不妄故惣約說聽究竟名為一時不妄約四時六時八時
十二時者廿九一月照四天下熱長短暄寒近遠晝夜諸方不
定恒二天下同起用故又除已下上諸天等无此四時及
八時等經擬上地諸方流通若說四時等流行不遍故不
約成道已後年數時節者三乘凡聖所見佛身報化年
歲短長成道已來近遠各不同故經擬三乘凡聖同聞故
不別說成道已後若干年歲然諸經中有說相續者此
經下云說是法花經滿六十小劫即其事也有說四時
者涅槃經言二月十五日有說六時八時十二時等即涅槃

云於其晨朝擲楊枝時金剛般若云飢食訖漱口洗足已敷座而坐曰正午時上生經云於初夜分舉身放光遺教經云於其中夜寂然无聲有說成道已後年數時節者十地經云第二七日於他化自在天宮摩尼寶藏殿內說法花經云於三七日中思惟是事已即趣波羅柰轉四諦法輪又无量義此經等云我成道來四十餘年等雖有是說隨一方域化度衆生聞見結集且作是言仍非初愬題說法時也是故但應愬說一時間處中有淨穢隨機定說處時中凡聖殊何寧不別說答說處標淨穢之可定知說時有短長聖凡不可准一會機宜有利有鈍長時短時如何定准

故處可定說而時但惣言經佛贊曰第三教主也梵
去佛陀此略去佛有惠之主唐言覺者覺有三義一自
覺勝凡之夫不自覺故二覺他勝二乘彼不覺他故
三覺行圓滿勝諸菩薩之雖復備於二覺行未滿故
佛地論去具一切智一切種智能自開覺亦能開覺一切
有情如睡夢覺如蓮花開故名爲佛一切智者能自開
智如睡夢覺智觀於空智理智真智无分別智如所
有也惣相而言斷煩惱得一切種智者覺有情智
如蓮花開智觀於有智事智俗智後所得智盡
所有也惣相而言斷所知障得准諸經梵本皆稱本
師名薄伽梵佛教安置以此一言含諸德故翻譯之

主意存省略隨方生善故稱佛名問此三身中何身所

攝各准處准機應聲聞而為化佛准文准理教善

薩而即報身玄贊感者根器不同應現故通報化王城鷲嶺

劫盡火燒鷲子聞經即化佛也我土安隱壽量長遠文

殊在中即報身也應化非真佛亦非說法者推功歸本

即法身也所以稱讚大乘功德經住法界戲明法身說佛

地經等住寶花王座十八圍滿乃報身說此經王城應跡

即化佛說據理而言實通三佛應物現身非定一故楞伽

經中說三身說法各別皆說法故由此劬師羅長者觀三

尺以發心五百婆羅門見灰身而起信无邊身之菩薩窮

上界而有餘住小聖之凡夫觀文六而无盡今顯主尊教

隨定勝初標教主令生善心經住王舍城者闍崛山中
贊曰第四化處也遊化居止目之為住人者居止遊處之
義居止在山遊化城中佛依與中遊化安處古人因此
有解聖天梵佛等住人名雖同義意全別語遠義幽
之處曾不屬心名同理別之文虛張援據此為未可也
梵云矩奢揭羅補羅城唐言上茅城摩揭陀國之正
中古先君王所都之處多出勝上吉祥茅草因以為
名崇山四周以為外郭西通狹徑北闢山門東西長南
北狹周一百五十里內宮子城周卅餘里羯尼迦樹遍諸道
路花含殊馥色爛黃金暮春之月林皆金色宮城北門
外有宰堵波是提婆達多与未生怨王共為親友放護

射醉象欲害如之來人指端出五師子醉象馴伏之處
 次此東北有窄堵波是舍利子逢馬勝比丘得初果處
 次此正北不遠有大深坑是室利翹多此去勝密火坑盡
 飯欲害佛處宮城門東北行十四五里至姑栗陀羅矩
 吒山唐言鷲峯亦謂鷲臺接北山之陽孤標特起
 既栖鷲鳥又類高臺空翠相映濃淡分色佛成道後
 向五十年多居此山廣說妙法舊云耆闍崛山乃去靈
 鷲之鳥於此每食人屍名靈鷲山訛而略也頗婆娑羅
 王為聞法故興殺人伎自山麓至岑峯跨谷陵巖編石
 為堦廣十餘步長五六里路有二窄堵波一謂下乘即王
 至此徒行以進一三十謂退凡即蘭丸人不令同往其山頂東

西長南北狹臨崖西墜有執精舍高廣奇製東闢其
戶如來在玄贊世多居一三一說法今作執說法之像量等如來之身
精舍東有長石佛經行所履也傍有大石高丈四五周
卅餘步是天授遥擲擊佛傷足出血者也其南崖下有
窰堵波佛說法華經處山城北門行一里餘至迦蘭陀
竹林園之東有窰堵波未生怨王分得舍利建立供養竹
林園西南行五六里南山之陰大竹林中有大石室是大
迦葉波結集法藏之處竹林園北二百餘步至迦蘭陀
池之西北二三里餘至曷羅闍姑利咽城唐言王舍外墪
已壞無復遺堵內城雖毀基趾猶存周世餘里面有一
門初頰娑娑羅王都在上茅宮城編戶之家頰遭

火宮一家縱逸四隣罹災不安其居衆庶嗟怨王曰我
以无德人庶遭患備何德業可以攘之群目白言大王
德化黎庶不謹請制嚴科以懲後犯若更有犯遷之
寒之林者弃尸之所俗謂不祥之地人絕遊往便同弃
尸彼既耻居當自攝謹王遂其言以施嚴於先宮內自
失火宮王曰我其遷矣乃命太子監攝國事自遷寒林
吠舍釐王聞住於野集軍來伐邊候奏聞王遂建城
而居以王先舍於此故稱王舍城焉有去至未生怨王
嗣位已後方築此城乃更為高厚非新築也至无憂王
遷都波吒釐以王舍城施婆羅門故今城中无復丸庶唯
婆羅門減千家矣古人有說山城為王舍城有九億家

或云置千王於此皆謬也王都既在王舍佛住鷲峯城
山兩處雙章自他二化俱說利緇素故論云序分成就
者此法門示現二種義成就者一切法門中取勝故如
王舍城勝餘一切城舍故城乃摩揭陀國之正中入王所
都處表一乘乃三乘之中道法王之所住境城既勝餘城
故經勝餘經也二者示現自在功德成就故如耆闍崛山
勝餘諸山顯此法勝故俱蘇摩城既是山城近於王舍乃
有多山此山獨勝高而顯故表法高顯出過二乘自在巍
切德滿故或如城勝餘城无麗物而不出法勝餘法
无嘉德而不具山勝餘山為好鳥之所栖止法勝餘法為
上人之所遊心故知玄妙喻通教理或教妙如城舍妙

理故理高如

法寶

山出二乘故所以此經在王舍城居鷲嶺有

三十二

熱

所表矣般若通貫五門含衛豐其四德故多在彼不依餘

處金生麗水東俗所傳提河有金西土咸悉生死如河
流不竭故沮蓐如金可寶重故既河中而有金表生死中
而有圖寐故於向利羅拔提河邊說沮蓐也各有所表
由來遠矣古說此經合居四處初在靈山二塔踰空中
三佛集淨土四囑累品中分身佛還後居穢土今解處
三說唯在二處有三者死復還穢囑累居後分身方還
迨至經終皆唯淨土後還變穢說經便訖淨穢唯二
初在靈山穢土三分身將集佛便變淨并塔踰空處有
三也說唯在二初在地上靈山劍會為三乘等宣暢一

乘後塔踰空分身佛集釋迦与多寶同座勸信此
經迤至經末佛令各還說經事訖佛方居地以後更不
說法花故知說處但唯有二今標剗會故說山城住標
化處佛說化身欲令三乘欣樂同故顯佛悲深乘身俱
娛能於穢處而施化故若標報佛及顯淨土恐二乘
衆疑非已分不能備故由此但顯穢處化身 經与大比丘
衆万二千人俱 贊曰七成就中自下第二衆成就也衆
成就以五門解釋一顯來意二彰摧實三定多以四明
次第五依論解來意有五為證信標聽衆者助成
慶喜聞法可信衆疑有三疑慶喜自說二疑從他傳聞
三疑餘人所說今顯同聞證經可信故智度論云說時方

今主信故二為顯德如天帝釋諸天圍繞大梵天王眾
 梵圍繞等今顯法王諸聖圍繞三為啓請利物之方必
 應所欲次第宣唱先因後果身為果躋行是因性乘
 為所學方便品下鷲子三請為乘推實故欲令捨權
 就實之境安樂行品文殊固請正明捨權就實之行
 壽量品中弥勒三請為身摧身實故顯捨權就實
 之果因緣之經今除法慢若不因請令意難生故聲
 聞請境一乘正迫彼根菩薩請行及果讚證因亦利
 之四為當機退三十二菩提心者三根領悟三周說一乘菩薩
 領悟說壽量品等隨類獲益聲聞一三十三凡夫遠塵離垢發
 菩提心玄黃被聖者類迴向大乘執菩薩凡夫疑網皆遣證

真達聖者菩薩得无生法忍等當得菩提故為三
機說斯妙法五為引攝當時眾集為引當時餘生發
心經具陳者為引今時眾生發意若无勝侶淨信不
生佛地論云列菩薩者輔翼圓滿天龍等者眷屬
圓滿淨土尚然何況穢刹上來五義並為來意二彰推
實如佛地論一處化佛淨穢土中聲聞等實菩薩為
摧報佛土中菩薩為實聲聞等推今此化報雙有隨
應兩實二推初列靈山化佛菩薩在中為摧眾生見於劫
盡淨土常安壽量无邊報身報土聲聞等眾非實况
多實分身悉為化現准知報化摧實理彰論中既說有
化聲聞滿慈等是自餘化眾多寶分身等也三定多山

者初有十五衆一高名大德衆二无名大德衆三尊重諸
尼衆四內眷諸尼衆五聖德難思衆六帝釋諸天衆七
三光四三衆八自在衆九色界諸天衆十龍衆十一緊那
羅衆十二乾闥婆衆十三阿脩羅衆十四迦樓羅衆十
五人五衆後有六衆一多寶二分身三龍宮四踴出五妙音
六普賢此衆二伎聞法證法行法持法護法說法有差
別故此中有六門異一三乘无獨覺之多分出无佛世教
雖被彼时无果成故不在會仁王經中即具有之下文
亦陳有求彼者二三界无色界光照有緣可來聞法
彼界光所不及機亦不熟所以不來仁王亦有三五趣
无地獄光雖照彼无緣不來有二義一光照二有緣地獄

光臨无緣不至无色並闕所以不来一乘進習必假容豫之
身地獄苦逼无暇可習陀羅尼經本息衆苦威力所致
地獄亦来此經進善彼无容暇故彼不来所以光照者令
見生厭故令彼見光發心苦息故四一衆无優婆塞優婆
夷下威儀成就中具烈初文略故五八部无夜叉及摩睺羅
伽下亦具有六二王无轉輪聖王唯有小王下亦具有此
後三无下明所依威儀成就中一切具列四明次第者初
衆分四一一三三聲聞衆二菩薩衆三八部衆四人王衆或內護外
護為次內護中聲聞菩薩為次聲聞中僧尼為次僧中
有名无名為次玄贊一三四尼中尊重眷屬為次外護中八部人王為
次八部中天非天為次天中地居空居為次地居中帝臣

為次空居中非禪之主為次後眾次第者證法眾開
塔眾經利廣大眾持法无邊眾他方行法眾他方勸持
眾初眾之中聲聞居先菩薩居後者佛地論雖釋今為
四解二形不同聲聞出家形同諸佛菩薩不尔二處有
近遠齊聞近佛菩薩遠之三戒德有殊聲聞出家持出
家戒菩薩不尔隨類化生故四欲令菩薩於聲聞所捨
憍慢故然花嚴經羅摩伽經炬樓至經和休經大五濁經
先列菩薩後列聲聞以德大小明先後故五依論釋論
解眾成就中有四數二行三攝功德四威儀如法住數
成就者謂大眾无數故惣說无數論各別標謂万二千
人等行成就中有四諸聲聞情小乘行依之食等白

法以比丘等為名二菩薩脩大乘行求正覺利有情以菩
提薩埵為目三菩薩以神通力隨時示現能脩行大乘
如跋陁婆羅等十六人具足菩薩不可思議事由不受
故而能示現優婆塞等四眾之形說為菩薩四出家人
威儀一定不同菩薩由此定故說為比丘攝功德成就
者十六句歎聲聞德十二句歎菩薩德等是然本論中
不別標牒文義顯故威儀如法住成就者亦時世尊四
眾圍繞等是明其四眾繞佛威儀恭敬攝法而住相
故雖各礼佛亦是威儀非聽法相故此不說十五眾
中合為三類菩薩聲聞具四成就其學无學及比丘
尼_具三成就_具不歎德故餘天等具二无行无德論說眾成

中合有四成就不言一人皆具四種然經明衆成中有
二段初別明十五衆後明威儀初中復二初別列衆後明禮
佛各人退坐十五衆中分二初明內護衆後明外護衆內
護衆有二初明聲聞後明菩薩聲聞有二初比丘後尼衆
比丘中二初有名高德後无名大德初中有三標類舉數
二歎德三列名此初也有二成就一數二行与者兼并共及之
義龍樹釋言一三十四一處一時一心戒二見道同一解脫是名為共
大比丘者智度論三義解大諸衆中取大人障斷大
人恭敬真諦三十五三釋一勝大學无學人中勝二勝大切德
智惠極高廣三數大万二千人今合為六數大二離大
障斷故三位大人阿羅漢故四德大如經所說故五名大

名稱遠聞故六識大人大眾所知識故梵去苾芻訛去
比丘由具五義所以不翻一曰怖魔初出家時魔宮動故
二言乞士既出家已乞食自活故三名淨持戒漸入僧數
應持戒故四去淨命既受得戒所起三業以死貪發不依
於貪耶活命故五曰破惡漸依聖道滅煩惱故衆者僧
也理事二和得衆名也三人已上得僧名故 經皆是阿羅
漢至心得自在 贊曰此歎德也經有六句新翻大般若及
舊論中有十六句去皆是阿羅漢諸漏已盡无復煩惱
得真自在論去心得自在心善解脫惠善解脫論去善
得心惠解脫如調惠馬論去心善調伏亦如大龍王已作
所作已辨所作辨弃諸重擔遠得已利盡諸有結正智解

脫論大善得正智心解脫至心自在第一究竟論有三釋一
上起門二懃別相門三攝取事門上起門者由上句故
下句得起或由下句上句方起非唯一故名上起論以第
二句釋初句大諸漏已盡故名阿羅漢即是論言應已永
害煩惱賊故名阿羅漢漏以五門分別一釋懃名諸論皆云
煩惱現行令心連注流散不絕名之為漏如漏器漏舍深
可馱汗損汗處廣毀責過失立以漏名此唯現行死復
煩惱是種子故據實通種二列名漏有三種一欲漏二有
漏三无明漏三出躋欲界見道世煩惱四諦一皆具十故
并備道六謂貪嗔慢无明身見邊見此中除五无明餘世
一根本煩惱并忿恨等廿隨或並名欲漏色无色界以无

嗔故各世於中除五癡合七十二根本煩惱并色界詭誑
及二界橋合此四小隨或十六大隨煩惱說名有漏三界合
有十五无明名无明漏四離合廢立欲唯散地唯有漏地
通五趣地具四生地不善有覆无記二性或地所以獨立為
一欲漏上界俱定通无漏地一趣一生二性煩惱由此合立為二有
漏无明力增通三十五相應不共為前二所依以具十一殊勝事
故離諸玄贊一三十六或立五得名所從雖知三果一切煩惱應皆名有
漏於三有之漏故下界煩惱多緣欲起從勝為名說
為欲漏上界諸或更无別勝得其本名為有漏无明
不以餘法為名彰自行相名无明漏此漏非一故名為諸
然依瑜伽更有別釋恐繁且止以第四句釋第二句云

得真自在故名諸漏已盡由證真无為漏盡自在故名
諸漏盡以第二第三句釋第四句去以盡无煩惱故名得
真自在盡者諸漏已盡无煩惱者无復煩惱由現種
或无故得真自在亦有本言以无煩惱故名得真自
在而无盡字唯第三句釋第四句又以第五第六句釋
第四句去以善得心解脫善得惠解脫故名得真自在以
離定障名心解脫離性郭故名惠解脫又離无明貪
愛等弊名惠解脫彼相應心得離縛故名心解脫由離此
二證獲无為真自在以第二句釋第三句去以遠離能
見所見故名无復煩惱之弊唯取種子遠能見者離
相應縛離所見者離所緣縛以離現行諸漏二縛故

名无復煩惱或復單釋能見者執我心所見者所執
我由无能執我見心故所執我相當情不現名離二見
前諸漏盡是惣說无煩惱此无煩惱是别无我見我見
為本諸漏生故不相連以第五第六句釋第七句去
以善得心惠解脫故名心善調伏故如良馬其性調順
以第九第十兩句釋第八句去亦如大龍者行諸惡道
如平地坦路无所拘碍應行者已行應到虜已到故引
經云已作所作已辨所辨故如大龍由已作道諦已辨
滅諦所以如龍威德雖行生死險阻之處如平坦路无
所拘碍不為生死而作留難生死因果皆已盡故滅道
滿故論單釋第九句去應作者作人中龍以對治降伏

煩惱怨敵道諦滿故能降集諦煩惱怨敵論單釋第
十句云所作已辨者更不復生如相應事已成辨故苦
諦已盡滅諦滿故以第九第十句釋第十一句云離諸
重擔者已作所作已辨所作辨後生重擔已捨離故由滅
道圓便捨後身一三十六生死諸法名弃重擔以第十一句釋第
十二句云速得已利者弃捨重擔證涅槃故即以涅槃
為已利故以第十二句釋第十三句云盡諸有結者已遠
得已利斷諸煩惱因故煩惱為生死因名為有結三有
之結也已遠得涅槃之已利故所以能盡三有之結生死
之因能和合苦能結故名結此有九種謂愛結恚結慢
結无明結疑結見結取結嫉結慳結由此九種數、現起

損惱自他。於當苦增偏立為結。以第二句釋第十四句云。正智解脫者。諸漏已盡。故以諸漏盡。正智能證。无為解脫。名正智解脫。單釋第十五句云。至心自在者。善過見道。脩道智。故住見脩道心。未自在。尚有惑。故由成上諸句。至无學道。一切惑盡。心自在。位以第十四句釋第十六句云。第一究竟者。善得正智心解脫。故善得神通。无諍三昧等。諸功德。故成到彼岸之聲聞也。准上論文。唯有三句以下。釋上名。上起。謂以第二句釋初句。以第四句釋第二句。以第九第十句釋第八句。此以所起名。起上。即是起名。上起。若能起名。起上之起。名上起。此類非一名上起。唯論。唯有七句以上。釋下名。上起。謂以第二句釋第三句。

以第五第六句釋第七句以第九第十句釋第十一句以
第十二句釋第十二句以第十二句釋第十三句以第
三句釋第十四句以第十四句釋第十六句此以能起名起
上即是起名上起若以所起名起之上名上起此類非名
上一起准論唯有三句單釋謂第九第十第十五句
或第三句亦是單釋有二句不釋謂第五第六句有一
句以上釋下亦以下釋上謂第四句惣說頌曰下釋上有
三上釋下有七 三單二不釋一通於上下 或上釋下有六
四單二不釋今依此經文十六句中唯惣有六句以下釋
上有一句謂以諸漏已盡釋初皆是向羅漢故以上釋
下有二句謂以諸漏已盡釋无復煩惱又以速得已利

釋盡諸有結自餘闕故當句自擇漏如前釋唯取現
行一切煩惱此諸漏已盡名阿羅漢者即是應已永
害煩惱賊義解阿羅漢故入十地得阿羅漢名无復
煩惱者論云遠離能見所見故名无復煩惱也種子
得煩惱名此可由彼雙離所緣相應現行二縛諸漏
皆盡无復更有煩惱種子義發一三六能薰斷故名為遠離能見
所見或惣漏盡別執亦亡故遠二見名无復煩惱復重
也種子斷故无復重生由斷生死流轉法故名弃重
楷故能遠證涅槃已利遠音徒戴徒帝二反今從初
反如音訓釋至也及也即由遠得有餘依涅槃已利故
能永盡三有之因九結煩惱由上漏盡以下四句彼阿

羅漢善過見道脩道智故得心自在離性事鄣八解脫
滿亦得名為心得自在文既闕以不可次第依論解釋
但可惣取論之大義以釋經文諸有智者當自詳矣
第二惣別相門者謂皆是阿羅漢者是惣相門餘十
五句是別相門阿羅漢者惣名應義應有十五義諸漏
已盡下是一應受飲食衣服供養恭敬等者即諸漏已
盡堪為福田二應將大衆教化一切无復煩惱離名利
等故三應入聚落城邑等故得真自在非為欲境所
牽或故四應降伏外道心善解脫具智弁故五應以
智惠速觀察法惠善解脫了諸法故六應不遲不速
說法如法相應不生疲倦如調惠馬善攝心故七應靜

坐空閑處飲食衣服一切資生不積不聚以欲知足猶
如大龍離閻闍故八應一向行善行不著諸禪已作所
作常進備故九應行空聖行已辨所辨我已所非有
故十應行无相聖行弃諸重擔觀滅理故十一應行无
願聖行速得已利不願生死故十二應降伏世間禪定
淨心不生味著二有界之盡諸有結乃至於三界禪不
生愛味故十三應起諸通殊勝功德正智解脫謂神
通故十四應到第一義功德至心自在證无為故十五應如
實知同生衆得諸功德為利益一切衆生第一究竟故
波羅蜜多聲聞廣度衆生今同已利得功德故第八脩
行不息十二於禪不著是二別意恐厭文繁略相配囑

其間義意隨解可知應說頌曰
受將入降以

不靜行善行空无相无願伏起到實知經中六句唯有十

五句中第二應受妙供養第二應將大衆教化第十一應

行无願聖行第十二應降伏世間禪淨心第十四應到第

一義次第配下五句初阿羅漢是愍句故第三攝取事門

者以十五句攝取十種功德事為示現可說果不可說果

者此中意說十五句中攝十種功德事為顯阿羅漢所

得有為可說果无為不可說果有相无相麁細異故或

有漏无漏果差別故下隨應配一攝取得功德有二句謂

諸漏已盡无復煩惱纏及隨眠二或若在不能攝取功德

由二或三故能攝取功德二攝取諸功德有三句謂得真

自在心善解脫惠善解脫此三句中得真自在一句降
伏世間功德世間之心不得自在種之或燒由得真自
在故永離惑燒心善解脫惠善解脫二句降伏出世間
學人功德學人未得離二縛故三攝取不違功德有一
句謂猶如良馬隨順如來教行故猶如良馬善隨人心
四攝取勝功德有一句亦如大龍有大威靈神力圓滿故如
龍也五攝取所應作勝功德有一句謂已作所作所應作者
依法供養恭敬尊重如來故非財供養名所應作正行
法供養者是所應作彼皆已作此道諦法行供養佛故
六攝取滿足功德有一句謂已辨所辨滿足學地故所學之
地皆滿足故得滅諦滿七攝取過功德有三句謂棄諸重

檐遂得已利盡諸有結初句過愛故生死重擔莫過貪愛
今已過故次句過求邪命供養恭敬等故諸求供養
恭敬皆為資命今得已利已證涅槃過於邪命求利養
等後句過上下界已過學地故有結者謂九結今已過
有學之地過上下界故盡諸有結八攝取上之功德有一
句謂正智解脫者死為果諸德之中寂上之故九
攝取應作利益衆生功德有一句謂至心自在由得神通
得心自在及自内心離繫縛故攝取利益之行十攝取
上首功德有一句謂第一究竟謂波羅蜜多聲聞堪到
彼岸勝餘類故應說頌曰 初二名攝取次三攝諸德
順勝作滿足如次配四句 三句名攝過過愛命二界

上上利上首各一名攝德 此經六句攝十德中唯攝
三德二攝取得功德有二句謂諸漏已盡无復煩惱二攝
取過功德有二句謂遠得已利盡諸有結過求邪命及過
二界三攝取應作利益衆生功德謂至心自在阿羅漢是
惣所以不取唯下十五句攝功德故成唯識中阿羅漢
有三應已永害煩惱賊故應受世間妙供養故應不復
受分段生故上上起門攝應永害賊无分段生惣別相門
攝應受妙供養攝取事門非彼三攝彼三但約決定義
說一切阿羅漢不過三種故攝取事門唯俱解脫到彼
岸者之所成故又上上起門永害煩惱惣別相門堪受妙
供攝取事門无分段生宗義配之非理定尔新翻經云阿

難隨獨居學地此中略文經其名曰向着檣陳如至那提
迦葉 贊曰此下第三列名有二初別列名後結名高此
世人中或有以出家前後為次第報恩經說初度五人次
度耶舍門徒五十次度優樓頻螺門徒五百次度伽耶門
人三百次度那提門人二百次度鷲子門徒一百次度目連
門人二百合舉大數成一千二百五十五人或行德大小
為次第如迦葉在第二列鷲子在迦旃迩上列等隨應
不空无垢稱經弟子品以德辨為次第以命問疾要假
智弁方堪對揚故十二由經初成道二年度五比丘三
年化迦葉兄弟三人五年度目連機宜不同諸部結集諸
經異故无量壽經云了本際者即向着檣陳如今解花

云向若多惱陳那惱陳是婆羅門姓那是男聲向若多是解義初悟解故因果經中具說度解惱陳那優樓毗螺伽耶那提四人所以初太子踰城之後父王乃命內外親族合有五人營衛太子五人交諍備苦樂行以為道真太子試驗依諸外道備苦樂行以過彼行皆非正術捨食乳糜受苦草覺樹成道後趣鹿園度此五人初轉法輪佛問解未五人之中陳那先報我今已解淨居天等亦言已解因以為名之為解惱陳之姓乃有衆多以解標名那是男聲以男蘭女故復云那大般若云解惱陳那梵去摩訶迦葉波摩訶大也迦葉波者姓也此云飲光婆羅門姓上古有仙身有光明飲蔽日月之光迦

葉是彼之種迦葉身亦有光能飲日月以姓為名故名飲
 光大富長者之子捨大財位性好出家能為大行以欲
 知足行杜多行一四十一大人所識熟故標大名葡餘迦葉如因果
 經第三卷并弥勒疏具陳上二性之所因次三迦葉皆飲
 光種兄弟三人梵云鄔盧頻螺言優樓頻螺訛也此云
 木荒當其腎前有一瘡起猶如木荒又池中龍亦名木
 荒從彼為稱故以為名伽耶山名即象頭山亦云城之近
 此山故名伽耶城梵云捺地迦言那提訛也此是河名正法
 花云上時象江三迦葉也然因果經說此三人皆近河邊備
 道佛作神通化之入法以火者腎上有木荒瘡或從池龍
 第二從山第三從河以為名也 經舍利弗至劫賓那

贊曰梵云奢利弗咀羅言舍利弗者訛也舍利云鶖即
百舌鳥亦曰春鶖弗咀羅言子以母才弁喻如鶖鳥此
是彼子以無顯之故云鶖子又云過去身為九師值釋迦
佛發願レ作釋迦弟子不但今者亦符往願復名優
波提舍以能論義故兼得彼名梵云摩訶沒特伽羅
言大目軋連者訛也此云大採蔴氏上古有仙居山竈
處常採蔴豆而食因以為姓尊者之母是彼之族取母
氏姓而合其名得大神通簡餘卑姓故云大採蔴氏徒
父本名俱利迦亦云拘儷多光云拘律陀俱訛也大般
若云舍利子大採蔴氏此二因緣如弥勒疏梵云摩
訶迦多衍那云迦旃逝亦訛也大般若云大迦多衍

那此云大剪剃種男剪剃種者是婆羅門姓上古
多仙山中靜處年歲既久鬚髮稍長無人為剃婆羅門
法汙剃髮故一仙有子兄弟二人俱來覲父小者乃為諸
仙剃之諸仙願護後成道自尔已來此種皆稱剪剃
尊者身是男子威德特尊簡餘卑姓故云大剪剃種
男又西方亦有取母姓者今顯是父姓故置男名古云繩
扇丑戀此子不肯改嫁如繩繫扇故名繩扇真諦云
思勝皆非也梵云阿泥律陀此云无滅佛之堂弟云阿
菟樓駄訛也應作駝字不知菟寧所出劫賓那者此云
房宿佛与同房宿化作老比丘為之說法因而得道故
云房宿或云房一四十一星一現時生故云房宿 經懺梵波提

至摩訶拘締羅梵曰梵去笈房鋒底此去牛相嚙梵波提訛也過一卷四十二去葦星去室星北方星也祀之得子因以為名離波多訛去葦星葦星娑星此出時生故因以為名也有去假和合即智度論說二鬼食人事也梵去畢蘭陀筏蹉此去餘習言畢陵伽婆蹉訛也五百生中為婆羅門惡性麁言今雖得果餘習尚在如罵恒河神故去餘習梵去薄矩羅此去善容言薄俱羅訛也毗婆尸佛入涅槃後有一比丘甚患頭痛善容時作貧人持一呵梨勒施病比丘之服訛病即除愈因施藥故九十一劫天上人

中受福快樂今生婆羅門家其母早亡遂遇後母方便
煞之經五不死後求出家得阿羅漢出家八十曾不患頭
痛目不視女人面亦不入尼寺不為女人說一句法无憂王
巡塔布施知其少欲但施一錢塔踴置地猶尚不受方知少
欲如村法藏傳說此因緣梵去摩訶俱發取羅此去大
勝之蓋大故俱締羅訛也此舍利弗舅氏因共佛論悟解
得果如律中說經難陀至羅睺羅贊曰梵去難陀此觀
去喜根本乃是放牛之人因問佛放牛十一事知佛具一切
智獲阿羅漢其極聰明音聲絕妙梵去孫達羅難陀
此云艷喜孫陀羅訛也艷是妻号色美端嚴无比名艷
喜是自名簡前放牛難陀故言艷喜艷之喜故是佛

觀弟身長一丈五尺二寸佛到本城二日度之大勝生主之
所生也梵云補刺拏梅咄利曳尼弗咄羅此云滿慈子云
富樓那弥多羅尼子訛也滿是其名慈是母姓母姓甚
慈此滿尊者慈女子或滿及慈俱是母号名滿慈
子梵云蘇補底此云善現舊云須菩提翻為善吉非
也梵云向難陀此云慶喜但言向難翻為歡喜亦訛也
此尊成道内外咸慶當喜時生故名慶喜梵云羅估羅
此云執日舊云羅睺羅翻為障蔽非也此中久摩訶迦葉
舍利弗大目犍連摩訶迦旃延向菟樓駄富樓那祇多
羅尼子須菩提四三向難羅睺羅如瓦垢稱經聲聞品疏第
三四卷廣說所由恐煩不述經如是衆所知識大向羅漢等

贊曰結名高也論云諸王之子大臣大臣帝釋梵天王等
 皆識知故又復聲聞菩薩佛等是勝智者皆善知故
 名察所知識初解貴賤大衆所知後解大小聖衆所識无
 垢稱云皆為一切衆望所識合此兩義舉世例取餘人故
 名為等皆名大者論自解云心得自在到彼岸故所言
 等者以阿羅漢等非阿羅漢由阿難陀是初果故

經復有學无學二千人 贊曰二无名大德衆也戒定惠三

正為學辨進趣脩習名為有學進趣圓滿止息脩習名為

无學唯无漏法為辨 經摩訶波闍波提比丘尼與眷屬

六千人俱 贊曰三尊聖諸尼衆也梵云摩訶鉢刺闍鉢

波此云大勝生主佛母有二面為小母大術生佛七日命終

此足養佛大術姊妹之類佛身為姨母大勝主主本梵
王名一切眾生皆彼子故從彼凡得因以為名又一切佛弟
子名為大生三乘聖眾名為勝生由養佛故為大勝主
大勝主之主名大勝主主雖從彼凡得亦以義為名舊云
波闍波提名大愛道皆訛略也度此因緣如律中說

經羅睺羅母至亦與眷屬俱贊曰四內眷諸足眾也梵云
耶忒達羅此女持譽耶輸陀羅訛也形容美麗近遠
聞知生育羅睺天人讚歎故名持譽云美稱也相傳釋
古是乾闥婆女彼生現為樂神生女為玉女此与佛為玉
女也若稱玉女何得有子又佛出家後持譽父母欲得
將還明非玉女未曾有經須達摩經瑞應經皆云羅睺

是瞿夷之子佛有三夫人一瞿婁二耶輸三鹿野各有二万
綵女瞿婁元子是三女彼經從長母為名亦无過失又經
云佛有三子一善星二優婆摩那三羅睺故温縣云善星
比丘菩薩在家之子上三足眾各得出家道行久成希聞
妙法有緣皆至眷屬俱來

妙法蓮華經卷第一